

33795



16259

6
1

第二十八冊

藝文志

卷七十一詩一 五古

卷七十二詩二 五古

續河南通志

續河南通志卷之七十一

藝文志

詩一 五言古

與諸君遊濟瀆泛舟

唐李頎

濟水出王屋其源來不窮
 沃泉數眼沸平地流清通皇帝
 崇祀典詔書視三公
 分官禱靈廟奠璧沉河宮
 神應每如答松篁氣葱龍
 蒼螭送飛雨赤鯉噴回風
 酌酒布瑤席吹簫下玉童
 元冥掌陰事祝史告年豐
 百谷趨潭底三光懸鏡中
 深淺露沙石蘋藻生虛空
 晚景臨流美亭臯輕靄紅晴山
 傍舟楫白鷺驚絲桐我本家
 潁北出門見維嵩焉知崧峯
 外猶有天壇東左手正接離
 浩歌盼青穹夸猶傲清瀆
 河南通志卷之七十一 藝文志 詩 一

經函谷關

唐韋應物

洪河絕山根單軌出其側
 萬古為要樞往來何時息
 秦皇旣恃險海內被吞食
 及嗣同覆顛咽喉莫能塞
 炎靈詎西駕婁子非經國
 徒欲扼諸侯不知恢至德
 聖朝及天寶豺虎起東北
 下沉戰死魂上結窮寃
 色古今雖共守成敗良可識
 藩屏無俊賢金湯獨何力
 馳車一登眺感慨中自惻

鄴城懷古

唐孟雲鄉

朝發淇水南將尋北燕路
 魏家舊城闕寥落無人住
 伊昔



天地屯曹公獨中據羣臣皆北面白日忽西暮三臺竟寂
寥萬世難長固雄豪安在哉衰草霑霜露崔嵬長河北尚
想應劉墓古樹藏龍蛇荒茅伏狐兔永懷故池館數子連
章句逸興驅山河雄詞變雲霧我行覩遺跡精爽如相遇
斗酒將酌君悲風白楊樹

弔比干墓

唐孟郊

殷辛帝天下厭爲天下尊乾綱旣一斷賢愚無二門佞是
福身本忠是喪已源餓虎不食子人無骨肉恩口影不入
地下埋冤死魂有骨不爲土應作直木根今來過此鄉下
馬弔此墳靜念君臣間有道誰敢論

硤石遇雨宴前主簿從兄子英宅

唐劉長卿

續河南通志

卷之七十一

藝文志 詩

二

縣城蒼翠裡客路兩岸開硤石雲漠漠東風吹雨來吾兄
此爲吏薄宦知無媒方寸抱秦鏡聲名傳楚材折腰五斗
間僂倪隨塵埃秋滿少餘俸家貧仍散財誰言次東道暫
豫傾金疊雖欲少留此其如歸限催

晚秋鄆城夜會聯句

唐韓愈李正封

從軍古云樂談笑青油幕燈明夜觀棋月暗秋城柝正封

客方寂歷驚鳥時落泊語闌壯氣衰酒醒寒砧作愈遇主

貴陳力戮凶匪兼弱百牢犒輿師千戶賺首惡正封平生耻

論兵末暮不輕諾徒然感恩意誰復論勳爵愈多士被沾

汚小義施毒蠱何當鑄劍戟相與歸臺閣正封室婦嘆鳴鶴

家人祝喜鵲終朝考著龜何日親烝酌愈閒使斷津梁潛

軍索林薄紅塵羽書請大水沙囊酒封銘山子所工插羽

余何忤未足煩刀俎祗應輪管鑰愈兩矢逐天狼電矛驅

海若靈誅固無蹤力戰誰敢却封義義雲梯翔赫赫火箭

著連空隳雉堞照夜焚城郭愈軍門宣一令廟算建三畧

雷鼓揭千槍浮橋交萬筏封蹂野馬雲騰映原旗火鏖疲

氓墜將拯殘凶狂可縛愈摧鋒若驅兕超乘如猱攫逢掖

服翻慚曼胡纓可愕封星殞聞雉雉師興隨唳鶴虎豹貪

犬羊鷹鷂憎鳥雀愈燒陂除積聚灌壘失依託憑軾論昏

迷執及征暴虐封倉空戰卒饑月黑探兵錯兇徒更蹈藉

逆族相啗嚼愈軸轡亘淮泗旆旌連夏鄂大野縱氐羌長

河浴駟駘封東西競角逐遠近施繪繳人怨童聚謠天殃

續河南通志 卷之七十一 藝文志 詩 三

鬼行瘧愈漢刑支邵黜周制閑田削侯社退無功鬼薪懲

不恪封余雖司斧鑕情本向邱壑且待獻俘囚終當反耕

穫愈藁街陳鈇鉞桃塞興錢鏹地理畫封驅天文掃寥廓

封天子憫瘡痍將軍禁鹵掠策勲封龍額婦獸獲麟脚愈

詰誅敬王怒給復哀人瘼澤髮解兜牟醜顏傾鑿落封安

存惟恐晚洗雪不論昨暮鳥已安巢春蠶看滿箔愈聲名

動朝闕光寵耀京洛旁午降絲綸中堅擁鼓鐸封密坐列

朱翠高門塗粉牖跋朝賀書飛塞路歸鞍躍愈魏闕橫雲

漢秦關東岩峩拜迎羅囊鞬問遺結囊橐封江淮永清晏

字宙重開拓是日號昇平此年名作噩愈洪赦方下究武

臆亦旁魄南據定蠻陬北征空朔漠封儒生愜教化武士

猛刺斫吾想兩優游他人雙落莫愈印從負鼎佩門爲登

壇鑿再入更顯巖九遷彌睿誥正封賓筵盡狐趙導騎多衛

霍國史擅芬芳宮娃分綽約愈丹掖列鶴鷺洪鑪衣狐貉

摘文揮月毫講劍淬霜鏘封命衣備藻火賜樂兼拊搏兩

廟鋪璣瑜五鼎調芍藥愈帶垂蒼玉佩轡蹙黃金絡誘接

謂登龍趨馳狀傾藿正青娥翳長袖紅頰吹鳴籥儻不忍

辛勤何由恣歡諛愈惟當早富貴豈得楚寂寞但知雇笑

金仍祈却老藥正歿廟配罇葶生堂合馨罇安行庇松篁

高卧枕莞蒹愈洗沐恣蘭芷割烹厭脾臑喜顏非忸怩達

志無隕獲正封愈詠諧酒席展慷慨戎裝著斬馬祭旗纛羔

禮芒屨愈山多離隱豹野有求仲螻推選閱羣材薦延搜

續河南通志 卷之七十一 藝文志 詩 四

一鶚正封愈左右共諧譽親交獻諛喙名聲載掄揚權勢實熏

灼愈道舊生感激當歌發酬酢羣孫輕綺紈下客豐醴酪

正窮天貢睪異市海賜酺釀作樂鼓還槌從禽弓始曠愈

取歡移日飲求勝通宵博五白氣爭呼六奇心遲度正封愈恩

澤誠布護噐頑已簫勺告誠上云亭考古垂矩護愈前堂

清夜吹東第良辰酌池蓮折秋房院竹翻夏籜正封愈五符朝

恒岱三畋宿楊柞農書乍討論馬法長懸格愈雪下收新

息陽生過京索爾牛時寢訛我僕或歌正封愈帝載彌天地

臣辭劣瑩燭爲詩安能詳庶用存糟粕愈

協忠廟

宋 梅堯臣

八月過宋都泊舟雙廟側永懷此忠良遺烈傳碑刻五位

傲朝裾千年同血食當時多苟生貴爵曾誰識縱令有邱
墳都已荒荆棘古人非輕死於義實罕得英骨化埃塵令
名同鳥翼飛翔出後世景慕無終極豈若目前榮未沒聲
已息西登孝王城王氣由邦國

書錦堂

宋韓琦

古人之富貴欲歸本郡縣警若衣錦遊白晝自光綸不則
如夜行雖麗胡由見事累載方册今復著俚諺或紆太守
章或擁使者傳歌樵忘故窮滌器掩前賤所得快恩仇愛
惡任矯狷茲余來舊邦意在弗矜銜以疾而量力懼莫稱
方面抗表納全節假守冀鄉便帝曰其汝俞建勳在臨殿
行路不云非觀嘆溢郊甸病軀諸少休先隴遂完繕歲時
續河南通志卷之七十一藝文志詩五

存父母伏臘潔清薦恩榮孰與偕衰劣愧獨擅公餘新此
堂夫豈事飲燕亦非張美名輕薄詫紳弁重祿許安閑觀
已嘗競戰庶亦視題榜則念報主眷汝報能何爲進道確
無倦忠義聳大節匪石烏可轉雖前有鼎鑊縱死誓不變
丹誠難悉陳感泣對筆硯

朱亥墓

宋蘇軾

昔日朱公子雄豪不可追今來遊故國大塚稱屠兒平日
輕公相千載棄如遺梁人不好事名字寄當時魯史盜齊
豹求名復誰知慎勿怨世俗獨不遭仲尼

麥粥店

宋蘇軾

朔野方赤地河壩但黃塵秋霖暗豆菘夏旱臞麥人逆旅

唱晨粥行庖得時珍青斑照七箸脆响鳴牙齧玉食謝故
吏風餐便逐臣飄零竟何適浩蕩寄此身爭勸加飲食實
無負吏民何當萬里客歸及三年新

獨樂園

宋蘇軾

青山在屋上流水在屋下中有五畝園花竹秀而野花香
襲杖屨竹色侵盃罇酒樂餘春棋局消長夏洛陽名士
多風俗猶爾雅先生卧不出冠蓋傾洛社雖云與衆樂中
有獨樂者才全德不形所貴知我寡先生獨何事四海望
陶冶兒童誦君實走卒知司馬持此欲安歸造物不我舍
名聲逐我輩此病天所赅撫掌笑先生年來效暗啞

潁谷封人廟

金元好問

續河南通志

卷之七十一

藝文志

詩

六

洩洩潁谷雲灑灑潁川水封人去我久水雲自清美人言
君善諫微意得鄭子特於悔悟時一語發天理大孝動天
地土苴及頑鄙反身而未誠善諫且敗矣如何千歲下乃
與茅焦比我行潁川道永念負甘旨願作潁尾魴因之曰
千里

史烈女

明李夢陽

史烈女記史氏之女也未嫁而死其夫是踰禮以
守信破俗而成仁者也李子曰史氏女有激俗之
功焉然予聞其
言矣於是乎述

梨花如雪霜鴛鴦不成雙我心明如鏡我心清似水鏡明
有塵時水覆無收理古昔華山畿行人下馬拜春風兩螻

蝶綠草搖衣帶

望仙臺

明李夢陽

昔有河上公結廬蓬蒿下萬乘時一顧旌旗蔽原野手揮
玉如意顏貌何瀟灑曳裾授道經談天妙無窮清光耀白
日四海高其風言旣忽不見縱身躡星虹鳳凰棲梧桐鷄
雀巢寒蓬饑鳶嚇腐鼠笑殺高飛鴻物固有如此何必較
愚蒙

過修武有感

明王世貞

淮陰下廣武張耳佐其師全趙俱脅息強燕自風披忽逢
龍準使赤節艷朝暉斥易兩雄帥脫若提嬰兒剪楚朝奏
勳夕乃失臨淄所以雲夢遊遂成曲逆奇蒯武豈不臧帶
礪乃吾欺純心奉一主加罪寧乏辭九族爲君盡千載令
續河南通志卷之七十一藝文志詩七
人疑

十二子詩

明李濂

吾聞孫公和昔隱蘇門山土窟深幾許容此神龍蟠沉冥

豈絕物緘默聊自全何以舒曠抱引吭綠雲間

孫處士登

虛白湖海豪共城實桑梓三十蚤挂冠玩弄百泉水洋洋

可樂饑混混是取爾以茲忘歲年吟嘯暮山紫

林評事舍

挺之懷寶徒攝令在山縣聞有苦心人讀書歲華晏夜半

來叩門秘旨授無倦絕學良在茲先天有眞見

李之才

堯夫有哲父徙家慕公和誨子成大賢百泉結行高躬爨

隱誠樂覃思悟良多百代仰元範蘇門高巖峩

邵先生雍

威鳳起懷孟飛來百泉側姚竇日與遊造道以成德強起

爲國師彞倫賴扶植至今共城西雲霞猶動色

許文正衡

雪齋任道器棄官棲雲門墾田數百畝復修二水輪尙友

古聖賢鳴琴衛川濱一言止屠戮孰能如其仁

姚文獻樞

卓哉牧菴子少依雪齋翁講道蘇門下師友相磨礱四海

仰家學聲聞一何隆文章賈名士直有西漢風

姚文公燧

蒙古承宋運建國崇儒英求賢三十載得一竇漢卿豹隱

此山曲旭夕姚許并麗澤有深益千古馳休聲

竇學士默

鹿菴氣骸朝論稱古直屬文造冲粹運筆萬鈞力始師

麻徵君出藍更青色我來筠谿遊爲君一憑軾

王丙翰器

老臣愛名山上疏謝朝請抱膝玉泉亭頗諧魚鳥性苦吟

聊自娛清狂未爲病不見梅溪人但誦梅溪詠

耶律楚材

續河南通志

卷之七十一

藝文志

詩

八

中州號文藪最著乃秋澗幼從鹿菴遊蘇門事筆硯登壇

沛厥辭燦爛雲錦絢筠林景依然伊人不可見

王文定輝

古人重擇里太原徙輝邑師許道有宗器業挺然立秋霜

明豸冠臬臺凜操執請看隧道碑學行兩難及

白憲僉棟

北邙行

明張美含

行行上北邙山抱盤龍勢岡坡多崎嶇荆榛渺無際古塚

何纍纍新塚無虛地洛陽千萬家喪車挽相繼紉嬰轉長

揚霜風雜鼓吹天暮不復晨原野愁雲蔽黃金積金谷難

挽流光逝獨憐塵海客不道身如寄送墓還城郭營營起

甲第達矣雍門周一言可垂涕

弔汲黯卧治閣

明王隣

漢家一戇臣其心固如石忠言抗九重允稱補袞職國法日以明君心日以格剛方屢見憚焉能久君側一麾守淮陽山川增價值高卧半榻雲羣黎白衣食草絲訟庭閑春風滿衽席閣廢名猶存到今沐膏澤我欲一見之凝睇不可得青史振嘉猷百世可爲則

送史孝子還內黃

明梅應魁

河北史孝子萬里來廣州暮投和光寺慘淡如羈囚相見不肯言哽咽涕泗流侵晨趨相府長跪述所由見昔方七歲嚴親此宦遊三年佐風憲長貳資良籌嚴親忽云歿母氏懷深憂陸行乏輿馬水宿畏蛟虬昇棺難寸步何以歸故坵禪關有隙地乞土寄一杯母子孤且癯鬻釧促歸舟續河南通志卷之七十一藝文志詩九

還鄉理先業薄有舊田疇兒年日以壯痛父骨未收忍離母膝下俱結倚門愁向來萱草殞喪葬事已休卽爲嶺表行不與妻子謀路苦焉足惜到來述所求門巷非舊日顧瞻林木稠重帛深且闕躑躅空夷猶上官幸垂憫庶得志願酬言訖卽擿泣感動仁公侯霜簡發嚴令通衢廣尋諏父老四五人指示東墻幽發掘見青錢棺底昔所投黃金與白璧次第歸衾裯孝子愁且喜勝獲琳與璆稽首謝蒼天伏地禮比邱拜辭烏府舊金帛仍相周山川耿南北何暇畏阻修親魄旣安妥祖隴茂松楸孝子年亦老華髮風颺誠心格蒼壤孝行遍遐陬我作短歌行送別南海頭瘴癘不爾毒盜賊不爾仇安行至鄉里嗟哉誰與憐願爾

增壽考在世百春秋願爾子孫賢事業紹箕裘以爾敦薄俗芳名千載留

題滎陽貞節詩

明 劉理順

余備員青瑣職在崇獎人倫適者流焚虛曠所至
馳沒陳氏及弱女一媳同時損軀相將井谷皇皇
聖諭高懸偉閣余誼屬維桑不忍
寂寞爰形篇什亦以告都人士

燦燦朝陽霞峩峩泰山石瑩瑩七尺劍温温半天璧矚目
光明生神明如其赫蘭膏不私焚瑚璉不空擲白日入虞
淵巢鳥安所適顧此不緇身使我坐感惜貞德擬潛龍毋
爲風雨赫何能復栖栖决皆安幽冥

汝南咏古五首

陳維崧

烈士狗名義嗜若酣杯酒人生天地間志節視所取漢季
續河南通志 卷之七十一 藝文志 詩 十

盛黨魁汝南實其數陳蕃與范滂矯矯立朝右此皆國老
成練達固不苟云何兩少年亦與爭不朽臨固勇旣沉彈
翼力復厚郭亮甫成童袁著年十九

未流尙崖異薄俗善牴牾寥寥千載間我思黃叔度時勢
至桓靈羣閹竊國步甘陵恣品目羣國炫厨顧失之生痕
痾得之長毛羽虛聲煽賢豪餘波駭行路獨有千頃波不
受黨人悞牛醫大自佳仕亦無所忤

平輿有二龍少者九深道鄉里藉品覈月且成陽秋功曹
雖小吏儻氣軼不收一寸烈士腸詎爲賢豪柔會來潁川
郡好作長者遊一府盡交驩不諳陳太邱私以語他人憂
其道難周末俗王附會妄引相綢繆視茲蠢塊人躡足徒

增羞黜哉曹孟德自負英雄流一語當意去掉頭笑不休
結交亦何益客遊登古臺臺高空復存但見蒿與萊昔人
雞黍處弔古有餘哀元伯既已矣巨卿安在哉歎息汝河
水悲風千里來

汝南袁本初家世爲三公姿貌旣瑰異賓客能關通陳京
昔喪亂董卓汗神宮一言不合意出門如飄風懸節奔冀
州糾合諸驍雄陳琳老文士視曹猶蟻螻快意於檄書罵
之及若翁至今千載下浩氣凌長空云何邁未造躁率難
成功官渡紹旣蹙壽春術亦窮家聲一旦墮愛子誰見容
烈烈袁宏甫先在蓬蒿中

蘇門三賢詩

國朝 王士正

續河南通志 卷之七十一 藝文志 詩

七

張于度

蘇門孫徵君曰于度爲鹿伯順高弟從予五十年
未嘗或離左魏之難履虎尾涉春水烈士之名滿
天下卒歸老蘇門高蹈遠引志士不忘溝壑
其庶幾乎于度名果中容城人葬夏峯北原

明運昔中坦奄豎奸大位衣冠虛南牙政柄歸北寺誰實
釣黨魁嶽嶽左與魏一朝檻車徵牢戶事陰秘傷哉史弼
言茶甘乃如薺容城有布衣發憤忘顛避要鑽理太尉舉
幡訟司隸貫械渤海生赤幘夏門吏桑海四十年往事如
夢寐骨歸蘇門山名在顧厨次

理寒石

本李姓也名暉和西華人耻與逆鬪同姓改曰
理孫徵君與西華左令書稱爲魯連後一人

魯連蹈東海其志耻帝秦龔生天天年詎知有美新陶公

愴晉室聊存頭上巾嗟哉均垧流乃愧青巖甄西華理寒
石爲儒甘賤貧奉母蓬藿中歸潔恐辱身曩鏡破鏡與交
歸跡神州日沉淪靈氛久上天呼號竟無因感激變姓名
下士良苦辛何人傳義節誦言聊一申

餓夫

彭姓字了九翁縣人遭閭亂棄諸生客饒陽爲鄉
塾師已而從孫徵君於蘇門或授之粟不受竟坐
死齋臺之旁徵
君題曰餓夫墓

黔敖呼餓人不受嗟來食使之當大事必讓千乘國靈輒
餓鬻桑倒戟一何力簞食不忘報竟脫宮甲逼蘇門有餓
夫風節夙所植生餓蘇門下死葬蘇門側嘯臺高嶽嶽百
泉流湜湜清風一相映水石起寒色遐哉首陽薇千古長
續河南通志 卷之七十一 藝文志 詩 五

太息

頽亭

國朝 王士正

青山圍頽亭下有清潁流石瀨何濺濺力始勝方舟金沙
映紫儻策策千萬頭斜日照水雪微風矯輕鷗側身望終
古企彼巢與由批糠鑄堯舜心與造物遊不逢掛瓢人北
指軒轅邱

文王廟

國朝 閻興邦

三讓稱至德泰伯開其始文考嗣後服終身商臣子行善
非覲福止敬忠所事幸未隨九鄂敢不同箕比置之羨城
中沉潛觀易理一畫本先天上古無文字何以答聖明演
此六十四日落色昏黃琴聲流瀉水

驅車荒城隅昔是梁王園當日賓客館離離百草蕃鄒枚
自奇士文采何翻翻遂使辭賦業遠託金石尊况彼經術
子菁華有本根著述非所願誰肯謀饗殮豈知梁王死委
棄不復論赫赫連城貴非不壯維藩遊從虎豹羣踴厲據
崑崙千里飛食肉書生但聲吞所好在大劍毛錐安足言
弔長葛王烈婦李氏

國朝 沈荃

壬午屯妖氛中原橫殺氣石固如彈丸逆寇恣狼視聞有
高素人王生富韜秘密移一尺書迫脅將招致哲婦啟王
生吾輩憂大義寧忍污厥身苟且狎兇類長嘯渡洪河嶽
嶽明正志狂賊恨不從孤闔匝萬騎突入王生家擒婦碎
續河南通志

卷之七十一 藝文志 詩

三

香馭偉哉闔中秀乃能奮勇智夫君名不毀殺身良獨易
憑弔此潛焉短歌申遙企

弔長葛尹烈婦李氏

國朝 湯斌

中州昔喪亂千里無完堵大將擁節旄聞風散部伍守令
携印降忠孝棄如土而乃深閨人秉義不可侮長葛尹烈
婦抱兒守茅宇倉皇賊騎來驅掠似風雨逼令捨其兒從
之赴汴澣烈婦誓死殉大罵櫻其斧數載 天兵臨妖氛
不復覩安知非義魂助我 王師武孤兒才且賢文章重
詞府誦詩廢蓼莪泣血永懷苦投我沈公篇悲風滿庭廡
我母同節烈讀之心欲腐

百草秋闌死松筠塞孤芳嚴巖忽零落晚節挺嚴霜彼姝者誰子抗衡張睢陽一旦辱狂且憤罵聲琅琅不謂巾幗中而具此剛腸荒郊一抔土寂寞生異香

王孝子五成衛母死作詩悼之

國朝 王敦紀

崆峒奇杰氣鍾毓荆水滸嗟哉王孝子竭力治園圃菽水奉萱堂灌溉忘勤苦宴爾甫匝月孝養倩內輔寒冬冰雪勵淒風吼村塢待母待安寢入室方扃戶哭如羣盜來執母加捶楚號號驚魂魄嗷裂肺腑拋棄竈下婦視死輕如羽裹體入重圍那顧斤與斧奮力挺鋤杖擊賊三與五身被數十創捍母左右股賊衆蜂蟻屯挺刃亂如雨厲聲叱強梁某某予識女賊懼貽後患刃腹穿腸肚淚濺孀母續河南通志卷之七十一 藝文志 詩 十四

滿二十孝自足千古

弔何烈女

國朝 禹 壽

烈女汜水何獻瑞女也事蹟詳列女傳

古今稱烈女咸以身殉節或蹈白刃鋒引刀自裁決或沉清冷淵投繯自奪絕其死雖殊途矢志如一轍悲哉何烈女高行更超越十年不窺楹幽閉守靜潔婉婉遵姆訓女工夜不輟高堂無違顏輝庖共懽悅祖母年已邁就養時

在列相侍寢高樓回祿肆談烈昏夜倉皇間衣履苦難挈
烈女籌之熟廉耻不容蔑顛沛必於禮死生何足說持此
不二操全婦無玷缺家人急相授閉戶與承訣提携姊妹
行慷慨心無缺從容火宅中百鍊如堅鐵須臾成煨燼英
靈應不滅斯時天地暗慘淡陰雲結星虹爲隕變鬼神爲
悽切遠近談述者驚怛同嗚咽吁嗟誰無死獨此光日月
捨生無顧戀猛作怒猊抉當年宋伯姬孤芳與之韻邑歲
已大書琬琰深雕鏤金剛不壞身瑤池古冰雪以茲二語
誦千古長昭揭

百泉

國朝曹爾堪

馥莖揭揭長國風如在眼水草紛紫翠苻絲柔可縮柳外
續河南通志

卷之七十一

藝文志 詩

五

狎輕鷗沙底數潛鯁小橋激奔湍東去不復返息機山中
人意致何閑遠撫琴悟流峙揮手謝嵇阮嘯聲雖不聞聊
具雕胡飯濯纓洵吾從從遊惜已晚

登太室中峯

國朝施閏章

壯士貪名山如海吞百川東遊卧日觀羲和親比肩南使
經衡嶽霧雨悵遷延近思太華頂遠夢崑崙巔嵩高在眉
睫振策窮攀緣詰曲蛇徑緬幽陰熊館穿冉冉極天際舉
頭觸星躔宅中環四岳一氣何盤旋風雨鬱交會蛟龍走
連蜷樹杪忽橫練坐見黃河懸窈窕擣衣石淒清玉池泉
引領眺箕穎巢許方陶然辛苦茂陵客壇時飛荒煙有爲
終滅沒瑤玉空雕鐫帝休昧珍木石室闕誰傳長麟食肉

者虛無求僱佷

望少室

國朝 施閏章

晨興出東郭秋霽開新顏高阜一回首爽翠飛巉峴三花
信有無碧樹森琅玕前峯復中斷白雲時獨還巖戶深且
阻峻坂何險艱逝將凌玉嶽騁轡無翔鸞延睇如藐姑綽
約青霞端

蘇門山

國朝 施閏章

尋幽無遠近在險必攀踐茲山接郊坰靈異天下鮮仙臺
冠丹岑列館叢碧蘚來者若有遇往蹟距可辨林端虛白
生下見水清淺荇藻舞漣漪雲嵐靜舒卷澄波平百頃倒
影涵絕巘懷道企李邵多才惜嵇阮逝者不可追清歡孰
續河南通志 卷之七十一 藝文志 詩 七
與展遲回川上歎白露忽已泣

許昌懷古

國朝 李來章

魚鳥自忘情潑眼西湖水子城誰增築展江名自美萬柄
荷花開置身明鏡裏

西湖

濕水鴨頭綠逶迤貫園林寂寞誰作主巨竹空蕭森慨然
持贈客想見古人心

曲水園

梅花千百樹草堂築其中寒雪對芳樽綠萼映盃紅臨風
懷坡老興與林逋同

梅花堂

西豪材最盛八子比高陽德星占五夜將爲漢室光奈何
苟文若戮力佐文王

高陽里

持戟報父讐萬金賴良藥使酒罵坐人剛福亦不惡兩鬼

衫一侯豈復懼高爵灌氏思故臺

輓轡不斷聲修綆汲深井天山古雪融其味殊清冷鹵西

懷先生芳躅共箕穎太邱并

陋巷黃門居層層蔽修竹扃戶不通賓古史親纂錄側目

愁權奸臨風思玉局蘇黃門轍故居

拾椹各異器將以供老親黑者當甘旨紅聊救饑人赤眉

稱極盜肉米遺澗濱樵澗

卧龍岡

國朝 湯右曾

古之求志人往往雜耕釣鳴呼諸葛公伊呂得同調隆中

吟梁父妙意寄歌嘯三分限王業一隅割巴徼艱危氣逾

振成敗事難料萬騎祁山東長星晦光耀英雄襟上淚時

續河南通志卷之七十一 藝文志 詩 七

往不可弔我來卧龍岡目盡遠山眺蜿蜒西南斷千里自

嵩少遙峯銜落日小閣耿餘照虛寢蔭疎槐上或施蘿薦

英靈猶髣髴蜀魄子規叫成都八百桑古栢贖遺廟極望

勞峩岷夜猿同噉噉

至香山寺

國朝 湯右曾

入林聞妙香臨流亂清影松風坐磐石孤意相與永花宮

俯岵巖雲物入秋冷鳥雀時一喧斜陽下高嶺

香山泉上懷韋蘇州

國朝 湯右曾

韋郎昔著書暇從山水遊永日未能去愛茲泉上幽泉水

至今碧漾漾寒藻浮靈液冬不枯煦若春和柔夕潭激彩

翠散綴明珠稠涵虛本同源潤物或殊流感此悟物理唱

焉思前修臨池兩嘉樹樹老枝相樛攀條爲泣然斯人遜
難求大海粟一顆終古貉一邱不知後視今感歎有此不
風穴 國朝湯右曾

萬竅忽怒號林摧巨石走太虛只一噫盛自土囊口我嘗
笑斯語索之無何有茲焉乘風颺絕頂延佇久言尋萬古
巖齋落吾手奇踪目親擊虛牝神所守何必天西南仇
池九十九蕭梢如欲起先已在跟肘應蘇久沈疾乍醒初
中酒下山憩茅菴絕境屢回首歸駕豈免促平生覺多負
蘭臺快哉雄歌舞樂速朽冷然北窻下輪爾山中叟

大伾山

國朝胡具慶

莽莽平原中突見岡巒轟雄鎮黎陽巔脉起太行足磅礴
續河南通志 卷之七十一 藝文志 詩 大

勢外巨蜿蜒氣內蓄東西夾衛川一水貫畿麓東山如覆
孟四下無邊幅西山如卧龍角距相聯屬邈迤高復低肆
矧童而禿我來訪古遊禹跡杳難續環繞多叢祠崢嶸滿
陵谷琳宮奉岱宗梵宇宗身毒金鼎燎光騰玉爐香篆簇
童叟袂連帷媪媪車駢軸揚旗競奔趨鳴鈺爭角逐嗟哉
司牧人誰其挽頽俗

吹臺懷古

國朝劉青藜

高臺何峻嶒維汴東南峙磴道逾百盤俯仰窮千里黃河
落天來濤聲隨風起烟嵐侵衣袂嵩少近接趾當年晉師
曠曾此奏清徵祥雲與元鶴翩然下雲裡嗣後登臨人茫
茫誰與紀至今傳者三高李杜子美凭欄同感慨懷抱知

何似側聞慈壽塔篇章何纍纍醞酒問騷人奚獨闕於此
寒風吹落日搔首嘆不止歸來過夷門還弔魏公子

鐵忠烈公祠

國朝 劉青藜

吳淠有反相不關錯議削故國無齊黃北平寧自若籌策
固有罪將誤凶門鑿長興老而昏九江驕且弱滹沱車旣
覆白溝軍再却鼓行無堅壘如疾風掃籜壯哉鐵尚書濟
南摧其鏑利刃懸城闔岌岌元首落東昌泊小河轉戰尤
赫爍條侯備警壁料敵信灼灼事去金川門力竭甘泉鑊
遊魂耻北面英氣殊磅礴維茲豐和鄉公也實土著俎豆
應百世廉頑兼敦薄訪弔城南隅瓦爍窳鼠雀摩挲認殘
碣慨然三嘆作咄咄當語誰搔首問寥廓

續河南通志

卷之七十一

藝文志

詩

尤

傅望驛

國朝 劉青藜

魚鱗叠長空日落半山赤殘雪壓兔窟凍泥印虎跡荒城
歛斷岸水石激湍濤問此何鄉堡云是博望驛歛思鑿空
人持節度沙磧黃鵠怨烏孫天馬符神茨竟以導軍故侯
封連阡陌錫名同上死遺墟今藉藉可憐隴西將結髮戰
疆場白首向王朔食土無寸尺

張平子墓

國朝 劉青藜

炎正音衰微新都詭圖識惜哉中興後亦爲邪說浸陋儒
工附會寵榮竊估賃幼季初莊言無口戲已甚少贛郊祀
對遜詞終不任君山頗切直非聖幾遭堪獨有平子疏排
抵請糾禁狂瀾雖未息岐舌能無吟夙昔披遺文太息爲

歛衽茲來西鄂城墓門久停朝古木號禿鷺陰雨吹短髮
南望讀書臺依稀猶可認但恨子玉碑零落無從訊

許昌懷古

國朝 劉青藜

朗陵西豪居佳名錫渤海人間文範來天上德星涯惜哉
承家難或羣幾敗乃高陽

遺臺何峻嶒空悲頹水濁氣想伸孺豪怒恨武安酷但惜

共守亟不及淮南覺灌氏思故臺趙冒骨日令餘川豫蕭蕭朝風

團團百尺泉傳是太邱井淵軌杳難攀黃鳥歌彌永懷激

與弔讓吁此豈微雋太邱井謝木五鼎公日來國遊瑤草

明鏡蓋紅雲清波飛白鷺曲岸裊垂楊微茫子城路不易

展江亭尚記呂公句西湖谷森森王維水貫楚鄭清開

續河南通志卷之七十一 藝文志 詩 十

潞國舊園林彷彿篔簹谷森森綠玉叢濕水貫其腹試問

賈文元清景更誰屬曲水園曲岸是玉叢草于賦不思

杜家海棠樹何如濯錦江桐木五相公日來倒銀缸綠草

乞春陰風流差足雙杜家小亭

步屨許城西為尋邪君宅蛾眉骨已冷斜川猶藉藉臨風

薦溪毛并欲弔中蘇峒黃門蘇居蘇賦悲命蓋素怒別危安蘇詩

舊第冷劫灰怪石倚素壁西風過客淚每為抑堂滴嗟彼

委鬼兒遺臭焉能滌蘇吏部蘇宅蘇賦文蘇來天王蘇蘇詩

莊周故里 國朝 張雄圖

舊讀南華篇天人同一籟言訪蒙城居古屋謝雕繪何處

蝶飛來栩栩花影外

宿雨散輕陰夜洗晴山好探奇幸不遐杖策隨芳草拾級
步高岑憩息白石皓天風解豁眸四際煙霾掃衆象恣冥
搜古蹟從尋討俯視萬家低村落人踪小樵歌遠近聞餘
響震林表空崖綻野花雜樹啼羣鳥龍阜隔岸看樓閣雲
霞繞頗足暢幽情眷戀忘昏早胡爲世網投徒使形枯槁
何日謝囂塵結廬此中老

王烈女棄山行

國朝周德滋

女未嫁殉夫自縊其父惡之棄屍山中木葉旋而爲塚

女子重節烈此女更爲苦捨命從夫死終不見夫主阿爹
不諒人送入深山宇深山不識路欲歸迷山戶朝依山外
續河南通志卷之七十一藝文志詩
雲暮宿山頭雨空聞明河津無緣架羽毛此身化爲石此
心終難腐遙望夫子廬脉脉自古

弔周苛

國朝顧天挺

紀信已誑楚周苛守危城誑楚知必死守者能復生須臾
信灰燼苛亦旋就烹要皆忠漢室何分居與行豈以信激
烈慷慨一身輕苛死於勢窮不得與齊名詎知城下日項
籍氣猶平懸賞說苛降誰曰非至誠乃觀罵楚時聲厲如
雷轟芥視萬戶封鼎鑊不爲驚節烈旣如此千載誰與京
何爲廟祀缺無以妥精英旣失秩宗典亦復違與情同死
不同祀何以勵忠貞我來一憑弔感此淚縱橫

李烈女哀詞

國朝蔣光祖

哀哉李烈女取義知所處焉讀聖賢書貞性乃天子餓死
事實小失節罪如許戚戚彼夫翁境迫欲改侶顧此耿耿
在一盟誓不齟含悲謝祖母鍵戶如自禦視死甘如飴勁
氣阻強旅鬚封何所待臂折更莫舉良人未承恩雙飛弗
他與金玉萃乃躬欲換誰奪汝

遊中岳六首

國朝 胡澐

應龍畫九有五岳蟠其根峻層太室聳獨冠天中尊肩輿
指仙館歷險經轅轅嵐彩互閃爍巖谷交衍吞豁登神宮
上俯見扶桑瞰城野杳莫辨一氣春煙昏惟有濁河影綫
曲承崑崙曠然渺六合直欲掀籠樊記得穴底虛元圃開
雙門俯盼極昏黑洞若壺蜂屯神書在何所渺茫難具論
續河南通志

卷之七十一

藝文志 詩

三

高卑顯異象妙道已默存

太室

峩峩天封宮瓊宇輝峻極穿樹披鴻濛已跨玉女脊渺然
百頃池蒼茫擎孤壁嵐髓或下融石腹時旁吸源分天漢
留不受衆溜滴僧言睡龍靈下枕明珠宅風雷晴薄人游
窺戒喧咳舊刻徵神奇請視廟柱石照影作大笑吾性直
湛寂觀水與空等焉受龔蟲迫不如汲素纒淪此一泓碧
日暮煙氣深坐看空山色

中天池

凌晨屏僕胥捫蘿結芒屨言尋緱氏山遂得清吹處少室
當我心靈髻餘雙臙畫壁啼幽禽樵蹊露深樹山磬落滿
厓髣髴鶴墜羽浮邱伊何人能令枯骨舉所吹本非笙元
氣調鼎釜簧管具抽漆活丹妙子午下土目如豆第織鳴

鳳譜嗟我學仙晚腦後漏未補俯眺廬陵墳但悲日月古

何時期青童苴勝斲瑤斧

嶺

少室多精廬少林猶絕景寶鐸鳴天風蓮花交四映中庭
雙靈栢龍蛇蛻遺挺聖者去已遙幻相尙螺頂下有白髮
僧晚坐目正瞑客至從定起徧引導諸境壁觀古洞黑皴
波捲重溟莽禮貝多香臺攀卓雪冷旁看儀鳳碑誇元髓
擗脛伊予夙觀心有無旣平等形忘詎見腰石破曷住影
衝瀑斷溪梁孤月在東嶺

少林

仙官誇玉漿梵林輝寶燭不如草堂幽天然妙溪谷倒景

凌天門雲淙暢遊目巖瀑逞鬼工散珠聞奇玉白訝飛蠓

昏青疑飲猿伏遙想授徒人金書此卧讀到處恒移時未

續河南通志

卷之七十一

藝文志

詩

三五

忍遽前躅盤迴俯曲欄遺像儼修竹堂館非故基銘剝亦
難續惟餘金碧潭魚游仍爭綠石影誰狡獪雪濤皴細墨
題詩和滌煩翩然下鸞鵠

嶽

雨歇伊水寒春梁負輕裏亂流望龍門白雪尙婀娜夾岸
崖洞深竹栢交翠鎖誰悟化天身寶髻搜粟顙山色妙清
淨干相本一醜堪笑題名人妄見分彼我前峯忽陡傑梵
閣竦磊砢一覽小中州千里收孤坐蕭森許由廬咫尺落
襟左惜哉賴口深欲往時未可名山信有緣終期結勝果
稍待秋林霜更泛潛溪舸

千佛

岳陣頭

國朝許勉啟

在汜水相傳岳
忠武破金兵處

積塵霾曠野飛沙捲山塢四顧但蒼茫高低雜榛莽維昔
靖建年傳車走二主煌煌京洛中櫬槍蔽殿廡爲問河南
北勤王誰禦侮義旗掃地來岳家背嵬斧旣清淮楚氛誓
飲黃龍府精忠懸日月慷慨告天祖躬親環甲胄手自授
袍鼓臨陣運一心安用豎樓櫓維此千貔貅吞彼萬豺虎
鬪聲爭悲竄敢向顏行拒整旅駐朱仙將軍眞神武何難
咄嗟間恢復中原土詎知宋宗社早藏狐鼠盡廟堂堅和
議竟與權奸迂金牌十二道傳呼撤部伍童叟送歸旌慟
哭淚如雨乃壞萬里城忍斲擎天柱中興業摧敗遺恨留
千古當時追戰地雄風猶號怒至今耕犁處往往拾殘弩
噴吭逼虎牢險隘相撐拄拊髀起長歎故壘不可覩遙憶
續河南通志

卷之七十一

藝文志

詩

古

鄂王墳寒鴉噪煙樹

題龐烈婦傳

國朝吳振周

吾友劉瑞明藝圃稱瑟瓚寄懷醒醉間有時白雙眼厥配
氏曰龐莊淑推壺彥績燈伴夜讀藜糗供梁案靜好宜百
年數奇忽蒙難晉寇踰太行殺掠熾竟醜猝犯郡之西倉
皇各奔竄龐爲賊所迫怒罵氣英侃蹈刃不辱身垂光比
星漢至今畢命地萎草藉不變許君敦彞好鑄石表貞媛
祝祀慰芳魂闡幽立佳傳嗚呼三百年教養恩非淺慨彼
溫飽流蒙面不知赧鬚眉愧笄帨袞袞何足算

西澗

國朝萬邦榮

李自成陷襄城陝西
義軍四萬多死於此

古澗開鎗訝窈窕接幃幙地非長平坑水染陳啣血黑處
晝窓窳青燐晚明滅經雨金鋒盡沉沙鐵戟折築臺但西
夏瘞齒無元結密松秋螢雨鬼哭聞幽咽飲恨念國塲中
心每如剝情哉諸部伍未足稱勇烈重徒簡羣牧須爾藏
妖孽臨陣身已忘授令家早決當時關西來敵隩力宜竭
如何但一閃甲摧車遂裂敗北鳥獸竄國耻已難雪反顏
向梟獍還復乞苟活吾欲效江總題棺慰枯骨九京恐汗
顏把筆却復輟

明忠烈李公祠

國朝趙冬辰

我公舟楫才出秉憲臣節褻帷臨潁水慷慨念君國國步
艱難會天心竟叵測百廢雖稍興整頓未越月那當大稜
續河南通志卷之七十一藝文志詩五

詩

五

餘哀鴻泣中澤逆賊恣蹂躪烽火遙相接悉眾拔洛陽席
捲薄陽翟鞞鼓動地鳴山川欲崩裂守禦固多方勢蹙心
力竭振臂戰城頭殺人手自格雲暗鼓聲死聞吾矛頭折
寡眾本非敵身俘齒猶切寇曰屠此城不然憤罔洩公曰
我爲政與民何所涉終幸賴此言巷陌靖流血再拜北向
呼皇天高無極城陷身則殉豈復惜寸磔齒爲睢陽齒舌
是常山舌仁至而義盡慘死何足說飽騰羣寇揚盧舍縱
焚劫朝烏啼散墟夜鬼號廢宅城上雉燐火城下羅人骨
檢點收公屍曾不變顏色瘞彼結纓地對此孤城昧明年
公揚來輿輓返而北民間三日哭祖道牲羅列迄今四十
年念之仍恍惚可憐英魂遠忍使遂湮滅廟祀崇俎豆芹

漢薦豐潔勅名片石間崇隆高千尺世亂見忠臣萬古留餘烈

畢卓池

國朝 崔應階

在天有酒星在地有酒泉天地生美祿胡云無酒仙我聞畢吏部嘗拚酒爲年放達無儀節啣杯豈避賢盜飲隣家釀醉倒甕底眠不復知有我束縛庸何愆我今過池上池水猶清連傳爲縱飲處持螯泛酒船空餘鴨頭綠誰復遺甘鮮一生未得了落日鳴秋蟬

敬母石

國朝 桑調元

吁嗟敬母石鬼戕殆亦偶是物應星精寒光射珠斗氤氛連雲根淋漓蘘氣母驚碎秋雨滴銳挾雷霆走狀類劈斧續河南通志

卷之七十一

藝文志

詩

五

皴元工無好醜緬惟開闢初儀象元黃剖大擘巨靈掌細啣精衛口海枯爛不免金流爍亦朽此屹黃室間跡著延光後鴻烈比齊諧志怪標談數碑銘紛傳疑宇宙無不有

畢卓池

續河南通志卷之七十二

藝文志

詩七古

洛陽公子行

唐 劉希夷

天津橋下陽春水天津橋上繁華子馬聲迴合青雲外人影搖颺綠波裏綠波清迥玉爲砂青雲離披錦作霞可憐楊柳傷心樹可憐桃李斷腸花此日遨遊邀美女此時歌舞入娼家娼家美女鬱金香飛去飛來公子傍的的朱簾白日映娥娥玉顏紅粉粧花際徘徊雙蛺蝶池邊顧步兩鴛鴦傾國傾城漢武帝爲雲爲雨楚襄王古來容光人所羨况復今日遙相見願作輕羅着細腰願爲明鏡分嬌面續河南通志卷之七十二 藝文志 詩 一

洛陽白頭吟

唐 宋之問

洛陽城東桃李花飛來飛去落誰家幽閨女兒惜顏色行逢落花長歎息今年花落顏色改明年花開復誰在已見松柏摧爲薪更聞桑田變成海古人無復洛城東今人還對落花風年年歲歲花相似歲歲年年人不同寄言全盛紅顏子須憐半死白頭翁此翁白頭直可憐伊昔紅顏美少年公子王孫芳樹下清歌妙舞落花前光祿池臺文錦綉將軍樓下畫神仙一朝卧病無人識三春行樂在誰邊宛轉娥眉能幾時須臾鶴髮亂如絲但看古來歌舞地唯

有黃昏鳥雀飛

從幸龍門應制詩

唐宋之問

宿雨霽氛埃流雲度城闕河堤柳新翠苑樹花初發洛陽
花柳此時濃山水樓臺映幾重羣公拂霧朝翔鳳天子乘
春幸鑿龍鑿龍近出王城外羽從淋漓擁軒蓋雲蹕纔臨
御水橋天衣已入香山會山壁嶄巖斷復連清流澄徹俯
伊川塔影搖搖綠波上星龕奕奕翠微邊層巒舊長千尋
木遠壑初飛萬丈泉彩仗虹旌遶香閣下輦登高望河洛
城東宮闕擬昭回南陌溝塍殊綺錯林下天香七寶臺山
中春酒萬年杯微風一起祥花落仙樂初鳴瑞鳥來鳥來
花落紛紛無已稱觴獻壽香靄裏歌舞淹留景欲斜石間猶
續河南通志卷之七十二藝文志詩 二

駐五雲車鳥旗翼翼留芳草龍騎駸駸映晚花千乘萬騎
鸞輿出水靜山空巖警蹕郊外紛紛引看人傾都南望屬
車塵囂聲引颺開黃道王氣周迴入紫宸先王定鼎山河
固寶命乘周萬物新吾皇不事瑤池樂時雨來觀農扈春
鴻溝

唐張碧

毒龍銜日天地昏八紘駭隼生愁雲秦園走鹿無藏處紛
紛爭處蜂成羣四溟波立鯨相吞蕩搖五岳崩山根魚蝦
舞浪狂鯁鯁龍蛇膽戰登鴻門星旗羽鏃強者尊黑風白
雨東西屯山河欲坼人烟分壯士鼓勇君王存項莊憤氣
吐不得亞父叫聲天上聞玉光墜地驚崑崙留侯氣魄吞
太華舌頭一寸生陽春神農女媧愁不言蛇枯老媪啼淚

浪星曹定稗稗王孫項籍骨輕迷精魂沛公仰面爭乾
須臾垓下賊星起歌聲繚繞悽人耳吳娃捧酒橫秋波霜
天月照空城壘力拔山兮忽到此騅嘶懶渡烏江水新豐
瑞色生樓臺西楚寒蒿哭愁鬼三尺霜鳴金匣裡神光一
掉八千里漢皇驟馬意氣生西南掃地迎天子

函谷關歌送劉評事使關西

唐岑參

君不見函谷關崩城敗壁至今在樹根草蔓遮古道空谷
千年長不改寂寞無人空舊山聖朝無事不須關白馬公
孫何處去青牛老人竟不還蒼苔白骨空滿地月與古時
長相似野花不省見行人山鳥何曾識關吏故人方乘使
者車吾知郭丹却不如請君時憶關外客行至關西多寄
續河南通志

卷之七十一 藝文志 詩

三

書

梁園

唐岑參

君不見梁孝王修竹園頽墻隱嶙勢仍存嬌娥曼臉成草
蔓羅帷珠簾空竹根大梁一旦人代改秋月春風不相待
池中幾度雁新來洲上千年鶴應在梁園二月梨花飛却
似梁王雪下時當時置酒延枚叟肯料平臺狐兔走萬事
翻覆如浮雲昔人空在今人口單父古來稱必生祗今爲
政有吾兄輜軒若過梁園道應傍琴臺聞政聲

天壇憶昔

唐杜甫

憶昔北尋小有洞洪河怒濤過輕舸辛勤不見華蓋君良
岑青蹕慘么麼千崖無人萬壑靜三步回頭五步坐秋山

眼冷魂未歸仙賞違心淚交墜弟子誰依白茅室盧老獨
啟青銅鎖中拂香餘搗葯塵階除灰死燒丹火元圃滄洲
莽空澗金節羽衣飄婀娜落日初霞閃餘映倏忽東西無
不可松風澗水聲合時青兕黃熊啼向我徒然咨嗟撫遺
跡至今夢想仍猶左秘訣隱文須內教晚歲何功使願果
更謝衡陽董煉師南遊早鼓瀟湘柁

題西白澗

唐韓愈

太行之下清且淺一水盤桓紆山轉千峯萬壑不可數異
草幽花幾曾見波中白石隱出明風翻不動浮雲輕翠巒
玉女下雙鶴笑倚秋練開新晴又疑武陵溪上原桃花溪
盡空潺湲幽泉間復逗崑側噴珠漱玉相交喧羣猿見之
續河南通志卷之七十二藝文志詩四

走絕壁綠峯虛睇弗勞力鳴禽面面背人飛爲是從來不
相識杖藜因貪仰面看碍石牽蘿錯移屐路窮曲屈疑欲
迴迤邐屏開一重碧殘樽遇坐酒卽傾旋摘山菓都無各
題詩且欲盡佳句觸歌翻詠仙難成天門幽深十里西無
奈落日催人歸誰能可屬天宮事爲我乞取須臾期上天
無梯日不顧牢落歸來壇未暮閉門下馬一衾寒夢想魂
馳在何處

盧郎中雲夫寄示送盤谷子兩章歌以和之

唐韓愈

昔尋李愿向盤谷正見高崖巨壑爭開張是時新晴天井
溢誰把長劍倚太行衝風吹破落天外飛雨白日灑洛陽

東到燕川食曠野有饋木蕨茅滿筐馬頭溪深不可渡借
車載過水入箱平沙綠溪傍枋口雁鴨飛起穿垂楊窮瞻
極覽頗恣縱物外日月本不忙歸來辛苦欲誰爲坐令再
往之計墮渺茫閉門長安三日雪擁書撲筆歌慨慷旁無
壯士遣屬和遠憶盧老詩顛狂開緘忽覩送歸作字向紙
上皆軒昂又知李侯竟不顧方冬獨入崔嵬藏我今進退
幾時決十年蠢蠢隨朝行蒙請官供不報答何異雀鼠偷
太倉行抽手板付丞相不待彈劾還耕桑

韓碑

唐李商隱

元和天子神武姿彼何人哉軒與羲誓將上雪列聖耻坐
法宮中朝四夷淮西有賊五十載封狼生貍貍生羆不據
續河南通志卷之七十二藝文志詩五

山河據平地長戈利矛日可麾帝得賢相相曰度賊斫不
死神扶持腰懸相印作都統陰風慘澹天王旗愬武古通
作牙爪儀曹外郎載筆隨行軍司馬智且勇四十萬衆猶
虎貔入蔡縛賊獻太廟功莫與讓恩不訾帝曰汝度功第
一汝從事愈宜爲辭愈拜稽首蹈且舞金石刻畫臣能爲
古今世稱大手筆此事不繫于職司當仁自古有不讓言
訖屢領天子願公退齋戒坐小閣濡染大筆何淋漓點竄
堯典舜典字塗改清廟生民詩文成破體書在紙清晨再
拜鋪丹墀表曰臣愈昧死上詠神聖功書之碑碑高三丈
字如斗負以靈輦蟠以螭句奇語重喻者少讒之天子言
其私長繩百尺拽碑倒粗沙大石相磨治公之斯文若元

氣光時已入人肝脾湯盤孔鼎有述作今無其器存其辭
嗚呼聖皇及賢相相與烜赫流淳熙公之斯文不示後曷
與三五相攀追願書萬本誦萬過口角流沫右手抵傳之
七十有二代以爲封禪玉檢明堂基

休逸臺

宋韓琦

牙城之北卽大圃中有廢臺名抱螺基圓有道盤屈上故
以螺目義非他當時興者擇地審氣象爽塏形勢多今如
孤冢但荆棘不知墮壞年幾何背城人跡旣罕到往往滿
歲無一過我來侵圃治兵庫得披榛莽登巍峩襟懷豁若
出塵外四視天水窮纖羅滿城風物聚掌上紅芳綠樹明
交柯太行之下不可數萬峯起落如翻波北來州域盡平

續河南通志

卷之七十二

藝文志 詩

六

地孰若舊鄴襟山河此爲遊覽最佳處遂施畚築完坡陀
臺頭結宇尚簡朴臺面甃甃嚴鐫磨魏宮水井久湮沒鐵
梁有四淪耕禾精剛之質不少動俚俗傳詫鄰妖訛云有
神物常默護守令千百無敢他我憐古物輦而至爲臺之
柱植四阿州人聞至極驚異就臺觀者肩相摩榜以休逸
豈獨尙與衆共樂乘春和主人間復命賓酌樽前隨分絃
且歌病來飲興直衰淺獻酬勉強顏須醅退嘗內省爾何
德爾求自逸人譏訶反思吾本任忠義日不作僞心無頗
君恩至厚假鄉守正宜休此祛餘疴庭屨報國未能奮慨
然倚檻空長哦

會飲金明池書事

宋司馬光

日華駘蕩金明春波光淨綠生魚鱗烟深草青遊人少道
路苦無車馬塵石渠諸君職事簡載酒擷花畏花晚浮舟
逐勝任所之箕踞狂歌叩舳板眼花耳熱氣愈豪擲杯擊
案聲嗷嗷驚沙颯颯繞舟渚魚龍遷去避我曹人生大料
無百歲貴賤賢愚同一致在家殺殺餘幾何一日風光不
宜棄

辛酉十一月十九日既與子由別於鄭州西門之外

李馬上賦詩一篇寄之宋蘇軾

不飲何爲醉兀兀此心已逐歸鞍發歸人猶自念庭闈今
我何以慰寂寞登高回首坡隴隔時見烏帽出復沒苦寒
念爾衣裘薄獨騎瘦馬踏殘月路人行歌居人樂僮僕怪
續河南通志卷之七十二藝文志詩七

我苦悽惻亦知人生要有別但恐歲月去飄忽寒燈相對
記疇昔夜雨何時聽蕭瑟君知此意不可忘忍復苦愛高

官職

李輔之得鄴南城注雨瓦筒以之支琴

王庭筠

鄴城城南青雀來五樓突兀肩三臺胡桃萬瓦淨如水春
陰不敢生莓苔簷雨欄杆三百尺多年雨嚙空階石繁華
已逐水東流斷甍時從耕者得可憐此瓦落君手愛之不
博連城璧錫花如雪錯菱花小字興和猶可識晴空拂拭
支桐君上下一般蛇蚶紋哀彈遽止不成弄千古雨聲愁

殺人

宛邱嘆

金好問

秦陽陂頭人迹絕
荻花茫茫白如雪
當年萬家河朔來
畫出牛頭入租帖
蒼髯長官錯料事
下考大笑陽城拙
至今三老背腫青
死爲逋懸出膏血
君不見劉君宰葉海
內稱饑摩寒拊哀孤
俾碑前千人萬人泣
父老夢見如平生
冰霜紈綺渠有策
如我碌碌當何成
荒田滿眼人得耕
詔書已復三年征
早晚林間見雞犬
一犁春雨麥青青

天平宮

元伯德正臣

大哉元氣胡爲乎
壯此崢嶸之六峯
千奇萬巧一一窮
神工碧霄奪秀爭
先挈髣髴有意爭
雌雄烟霞連雲最
相得未肯容易變
滅隨東風獨有昭
陵稜層似玉柱
氣象只欲續河南通志

卷之七十二

藝文志

詩

八

摩蒼穹大峯小峯
屹立千萬仞芙蓉
捧出蓬萊宮縹緲
仙人不知宴何處
泉聲猶似玉佩搖
丁東壯哉二龍洞
疑與海藏通棲鵠
危巢仰不可攀但
見絕壁倒掛之枯
松日出破烟景雲
斷林霏開目窮千
里心飛九垓覽天
地之廣大見造化
之胚胎暫神遊于
物始且放曠其形
骸忽亦羽以中昃
掩半空于陰霾其
壯觀也若此誠不
負杖屨之來

登大伾山

元朱淑履

伾山蒼蒼出雲表
夜半金雞報天曉
曉色欲動河漢橫
嵐氣上浮山月小
蟾精未墜陽烏升
照見佛身光縹緲

金谷步障歌

元楊維禎

金谷水派銀河流
金谷峇峙據三神
邱太僕卿君十二
樓花

草不識人間秋蜀江染絳紅五色紫鳳啣絲終夜織剪斷
鯨濤三萬匹天女江妃不敢惜明珠量斛買蛾眉時時玉
笛幃中吹紅鸞翠鵲飛在地香塵蹋蹋疑流脂野鷹西來
歌吹歇踏錦未收風雨裂樓前甲士屯如雲樓上佳人墜
如雪於乎董家郿塢金成泥鬼燈一點燃空臍齊家奴何
用爾只須豆粥與泔菹不見祇今金谷底野蒼作障山禽
飛

廣武行

明湯珍

噫嘻廣武古戰場據敖倉而倚滎陽負山阻塞扼險要楚
漢相持壁壘當是時龍虎方交鬪結陣連軍昏白晝重瞳
取霸實暴興豐沛真人乃天授平沙落雁下高城戍草屯
續河南通志卷之七十二藝文志詩九

雲夕照明蝕泥斷鏃猶封血夷竈餘基尚有營山川如在
殊今昔往事銷磨但陳迹鴻溝卽使遂中分兒嬉輿圖輕
一擲慷慨何人阮嗣宗醉眸傲睨乾坤中覽古黃河氣填
臆長嘯茫茫徐泗空憑高指劃爭衡地悵昔英雄生不世
彼豎子者豈足名鼠竊翻能盜神器神器雖可盜天意寧
可欺太阿不久柄倒持窮人孤寡還自敝覆轍循環空爾
爲

鳳凰臺

明薛瑄

吾聞鳳凰不與凡禽棲隆周之時曾集豐鎬西鏘然一鳴
向人世啞啞百鳥不敢爭與啼昔有名臣黃霸生漢世治
民之才向與時流異潁川出守曾幾何休徵數感靈禽至

靈禽文彩鳴山川和鳴噦噦聞中天遂築高臺表神瑞冊
空鳳去餘千年只今壞堦纔數尺野鳥紛紛競來集簡冊
空存記瑞年荆榛不復快覩迹我來驄馬登高邱荒臺已
遠猶回頭爲憶循良心耿耿緬懷瑞物情悠悠鳳臺鳳臺
重搜訪往事何須空惆悵方今聖明治理登俊良會見一
朝飛入青雲上

平蔡行

明何景明

蔡州城高高且壯四十年來兵不向旌旗忽從雨雪入一
夜開門納兵仗請降盡是河曲軍拒戰不覩牙城將褫鞬
將軍拜道左緋衣小兒來天上州人始識裴丞相

觀汝南王玉磬碑引

明楊慎

續河南通志

卷之七十二

藝文志 詩

十

汝南帝子真人冰壺玉樹凌風塵心源早契空門地意
象遠寄荒岑濱步折峯頭翠肥草直登萬頃層霞杪金鞭
九馬蒼烟叢霓旌千騎紅雲鳥伐石何人得磬襄豐碑擊
作聲琳瑯鳳凰毛羽落丹穴蛟龍文采卷銀潢山圖郡乘
收難采波瀾東遊星辰改眼見叢林成古邱誰問君王仙
跡留可憐南浦西山西外猶有鳴鸞歌舞樓

李斯歎

明林貞時

上蔡倉中廡下鼠西入秦關東辭楚千騎萬騎忽雲來丞
相門前客如雨自從身在咸陽殿六國將軍怯酣戰秦王
帝業一朝成直謂勲名出霄漢親隨海走旌旗可惜名
都皆郡縣蘭陵本是著書人守尉翻燒何令便沙邱消息

人不聞丞相胡亥惟趙君劍落陽周血上天衡星染日爲
妖氛二世黃袍斯赤手通侯印墮中軍口不悟逐時錯上
書還臨刑市悲牽狗嗟哉羣盜誰弗知相通乃獨三川守
人生天地信蜉蝣世事烟霾那直否趙君汝不死鹿乎馬
乎胡爲爾

王屋歌

明 吳國倫

何處洞天三十六小有仙人住王屋王屋底柱遙相望真
氣高蟠太行腹上凌二曜開天壇下湧雙泉疏地軸滴乳
續紛薤葉垂飛鬢合沓蓮花轟壁老軒皇未采芝巖餘夏
后曾刊木虛空匠出金銀臺輻輳規成子午谷五色靈光
夜夜朝道人爭訝龍銜燭攀躋直造虛皇宮千山萬山都
續河南通志

卷之七十二

藝文志

詩

十一

拱伏拂鼎重燃西國香調琴自奏神絃曲虛皇授我太乙
丹使我顏童髮再綠須臾笙笛響空中起馭赤螭驂白鹿
俯觀四海一蹄涔安見九州非粒粟卷石崑崙點大荒黃
河東走不盈掬向來虛誦五千言誰道無言是真籙河上
老子浮邱生八極歸來王屋宿

自濟瀆入虎嶺道中卽事

明 吳國倫

太行一面軹城西西去山深雲氣迷四顧紛紛太行遶前
峯刺天天爲低無時太壑蛟龍奮夾路叢林虎豹啼二濟
涓涓發靈竅尋源曼異桃花谿遠村近落迴盤谷百里烟
霞銷王屋野服難勝六月寒立馬已飽千崖瀑石門風雨
排山來萬木爭鳴神鬼哭望望天壇隔勝遊呼醪且就田

家宿

嘯臺

明趙貞吉

使車十日離金馬暮過迢迢嘯臺下空裏如聞鸞鳳音途
中不遇猖狂者阮生猖狂真可哀半癡半黠誰能裁千言
萬論盡聒耳獨憑一嘯明其懷開懷問孫公孫公益龍鍾
渺視無一語萬木澄英風吾能會其意拂意下山去孫公
送阮生一嘯抗自舉吁嗟孫阮自心期淒淒此意無人知
可憐千載不相待至今惟有高臺在雲邊影落蘇門山草
際烟浮百泉瀨與君相別在新春君去遊梁我入秦洛中
名士如相問今作區區青眼人

送王濟民歸盤谷

明浦源

續河南運志

卷之七十二

藝文志

詩

七

官地酒香柳花白下馬持觴送行客客歸江上愁更多春
水雨中生綠波青山遙對揚子渡殘日微明廣陵樹渡江
酒醒傷別離夜半舟人歌竹枝烏啼月落海天遠驛程已
過淮陰縣楚鄉菰米飯食魚膾征在轍宿在車中原漸近
太行麓不知何處通盤谷一逕縈紆萬壑深始知舊宅隱
雲林昔年泉谷渾無恙猿鶴猶存松桂長遺老家家懷古
情相邀雞黍話平生尊前不問宦游好只說山中農事早
數畝何須負郭田郡中太守正求賢知音不肯入城市日
逐漁樵向山水江南故人那可逢有書應寄南飛鴻

西華雙烈

明朱之蕃

西風一夜清霜烈吁嗟所天中道絕孤燈慘淡彤影弔相

對悲啼生死決蘭膏棄捐青鏡破黃鵠歌殘白石裂我生
不辰天所赭百折狂瀾心如鐵手裁縞素作衣裳服之懽
忻歸泉壤願同比翼飛雲外肯戀餘春稱未亡古來彭殤
等一死何如比肩擔綱常不見韓馮孤塚上輕雲深鎖鵲
雙雙誰家錦瑟調招魂聲凄絃斷月色昏茫茫廣漠路空
澗直把衷情叩帝闈天帝徘徊動顏色乾坤正氣在閭門
擘翯世界駒過隙清風蕩蕩千載存

天中山觀顏魯公碑

國朝薛耳

魯公墨妙稱入神天中碑石傳其真苔痕斑駁風霜古摩
挲忽看龍蛇生千臨萬擬幾能似衣冠優孟東家輦我肅
衣冠拜寒石眷懷千古騎箕人從來墨客筆成塚總留姓
續河南通志卷之七十二藝文志詩 主
字還微塵魯公所重寧在此吾儕應念皆王臣蘇武節無
毛嵇紹衣有血卽無筆墨落人間不道悠悠便湮失立名
砥行會有原重我悲思淚加織

詠鷺鴨池

國朝金敬敷

將軍白馬如匹練寶劍衝星血光濺自提十萬熊羆來卷
甲長驅師不倦文城旣下秀琳降何用魯連書繫箭懸瓠
池中鷺鴨喧夜雪漫漫烽火斷將軍用兵洵神速官軍破
賊始朝飯我行池上空夷猶池水清冷人不見

漢獻帝陵

國朝范正脉

赤帝劍飛泣鬼姆桓靈之季成末弩區區闔寺不能平可
怪紛紛招外鹵羣奸遁起無寧時前雖拒鼠後進虎老驥

千里歌何爲沙蜮自雄屬魏武掌內天子如小兒三尺輕
綃傳禁籟英雄惟有劉豫州人中游龍孔文舉當時內外
若兼謀誅曹如兔何足數三分究定豈非天高帝子孫竟
臣伍山陽一片草茫茫狐狸晝嘯兇夜舞我停單車望古
人老鴉猶作當年語

丙午夏許有蟲患七月朔日祀劉猛將軍廟是夜大
雨蟲滅神之靈也爰作歌以紀之

國朝 王應珮

南宋名帥稱劉公張韓岳氏將無同公副留守京之東平
生報國血一腔慷慨深毅儒將風順昌迎敵方洵洵棄家
梵寺積薪封敗則舉火死相從天助夜雨電光紅大斫敵
續河南通志 卷之七十二 藝文志 詩 古

營穢厥克水草毒中土馬慵廬泗二州陷敵中會戰恢復
方畧雄金人誰敢當前鋒疾中激烈氣橫空愧彼儒生成
大功汜也一敗怒冠衝願爲厲鬼嘔血薨叶至今靈爽憑

蒼穹福國福民皆餘忠護持我稼匡先農屏去螟螣驅昆
蟲中原吏民俎豆供春秋祈賽年屢豐我許六月嗟蘊隆
蟲患偶作憂田翁病我黍稷如疲癯宰官不德災眚逢遠

聞鄰境心忡忡言歸齋宿致恪共手書祝版齋神宮牡犛
肥膻罇鬯醲歌臺絲竹喧優童四民泥首抒丹衷響應不
啻呼吸通日沉風靜陰雲濃金蛇烟爍鳴靈籟蟲兮乘夜

潛來攻忽然靈雨傾岷江叶片時洗刷滅其蹤禾苗被野

青龍葱菴觀秉穗歌櫛庸將軍之靈若神龍陟降變化殊

紉儼然存日張軍容順昌旗幟驚贖聾許人色喜何融
融咫尺昭格神明聰鑒汝黔黎祀事崇敢云感召自我躬
永藉神力除田蠹聿新廟貌重鳩工深如河洛高如嵩報
功食德無終窮

仇十洲摹宋人張擇端清明上河圖歌

并序

國朝 張篤慶

宋人張擇端清明上河圖乃汴京勝概大約當在宣和以
前繁盛之時故其宮室城郭樓觀浮屠街衢巷陌市廛亭
館舟楫橋梁士女車馬商賈負販俠遊百戲萬貨諸物莫
不畢備而富麗浩穰雅有太平氣象爲物者以億計爲人
者以萬計螺紋蚓結工細可知非數年之力諒不能成信
續河南通志

卷之七十二 藝文志

詩

五

奇觀也當時與西湖爭標圖俱選入神品元時曾入內府
故誌有御寶今茲摹本亦頗入妙茶陵李文正公有記記
焉後又流傳于宣興李文定家文定手書文正公原記亦
自娟秀而予今于焦司徒家見之蓋其世傳之故物也

畫山不畫海上山山在杳靄飛雲間畫水不畫滄江水水
在波濤烟霧裏不如畫作汴京圖汴京富麗天下無宣和
以前號全盛繁華自昔雄三都百年太平饒物力嘻嘻朝
市多懽娛清河畫師妙天下十年構此良非迂展卷忽然
迷五色幽窳老眼仍模糊睇觀乃識畫工巧長房縮地誠
不誣九道之道何穰穰冠蓋歷落當交衢邸第樓臺紛在
目列爲百貨羣所趨絃服繹絡出珠箔珍恠瑰麗來番禺

馬如紅豆人如蠶摩肩擊轂爭馳驅端門百戲無乃是朱樓舞榭紅瓊瑜葡萄美酒醉俠少亦有犢鼻來當壚王侯貴人盛遊樂翠幃寶馬青驪駒時和正值清明節汴堤官柳何縈紆青簾白舫載簫鼓黃羊紫駝充行厨長橋一道白虹起葉葉帆檣連舳艫永和三日修禊事蘭亭遺韻方來徂五雲深處九重上遙望爾閣黃金鋪龍樓鳳輦駐佳氣似是天街頌大酺眼前百榷競出沒一一變相神理殊承平士女堪圖繪傳之千古勞踟躕我聞此畫入神品爭標不獨傳西湖大元御府作重寶雙龍小印存區區飄零兵火更出世仇英臨本非小巫摩挲自是亂真手不愧玉軸裝珊瑚西涯相公好奇者萬字作記窮根株宜興妙筆續河南通志

卷之七十二

藝文志

詩

其

更飛灑中山什襲千斛珠憶昔開元東廵日潞州亦有金橋圖道子陳閔韋無忝寫生萬態勢可呼天子親乘照夜白百寮濟濟被檐楸羽林鹵簿三十萬道旁觀者人相扶當時三絕今復見慎勿棄擲同砭砭名畫由來辨宗派儼然族姓稱崔盧藏之篋笥待知已羣兒莫使爭抑掄

陳昇菴招遊蘇門百泉

國朝 湯右曾

五更月墮天西南殘星耿耿配兩三出門風輕馬蹄快衣上一帶侵山嵐蘇門縣前解鈴馱困思小憩投茅菴賢侯東海我好友勸我劫劫姑留蹇臺符吏牘劇衡石一笑不同先幽探西門七里林谷繞斜日半嶺烟雲含涓漣已到百泉上清暉傑閣凭耿耿水妃何年此微步明珠錯落遺

風潭千鬢萬髻作顏色太行倒插綠玉簪清冷忽聽響琴
筑駛激更不容螺蚌吾徒解衣聊快意健筆往往兼雄談
昔者東遊過鈞突與此清此同所枕水晶盤中瀉冰雪一
勺便癯吾酒甘居性悍急飲之輒癯水人於十里外方及桃竹園西得微露下
看捫壁高乘籃青山久無俗士駕白石尚有仙人函嘯臺
鸞鳳杳何處遺訣或者留彭聃重遊後會與誰必歸路欲
覓觴酒酣環山三市夢應熟瞥眼一過心常貪便捷休爭
百足虵纏裹莫作三眠蠶人生婚嫁有時畢便合夜雨同
真參

登香山絕頂因宿來青軒

國朝湯右曾

香山古寺危峯巔飛鞚欲躡無因緣今晨得到翠微頂傑

續河南通志

卷之七十一

藝文志

詩

七

閣千仞凭風煙四山圍合看歷歷長路放曠窮綿綿桑乾

一綫白窈渺太行萬里青鈎連八陘地脉考圖志勝槩直

欲吞幽燕珠宮紺殿久零落老樹詰屈根株纏舊傳兩松

怒龍攫雷雨失一歸重淵恒河七寶網經始中丞故石今

誰傳明昌大定全盛日獵火夜照長圍圓齋厨歲供太倉

米土木屢費司農錢祭星臺荒杳何處空復太乙祠神仙

回頭逝水各陳跡風鈴簷鐸猶當年來青一軒瞰空澗女

墻低亞藤蘿懸我來九月霜始殺萬株柿葉紅霞鮮泉聲

淙淙響下界鳥語一一聞諸天須臾煙暝月出嶺一彎眉

嫵窺嬋娟半崑遠火出林杪中夜清磬鳴山前朝霞公今

風雅主勝地往往留詩篇同遊樂宋兩佳士各以秀句驅

爭先清言啜茗足幽賞底用劇飲飛觥船頻年塵土雜夢
寐一夕喜就山房眠明朝遍踏四百寺雙屐未到心欣然
河南行輓錢唐二公作 國朝 趙士諱

唐公諱改泰錢公諱祚徵皆官中州
辛巳春賊陷河南諸郡縣兩公死之

河南南陽不可問朱耶銀瑤人鬼憤萬姓哀哀骨髓乾金
張積鏹高于山一朝天狗過梁野雄都百雉如崩左御府
環奇散綠林名閨佳冶隨銅馬銅馬縱橫勢莫當可憐灑
澗變沙場驕兵列戍提戈戲墨吏連城解印亡嗚呼何日
妖氛靖臣節分明功罪定忠節還歸孔孟鄉君不見汝州
刺史伊陽令

嘯臺

李空同撰碑左國璣書

國朝

曹爾堪

續河南通志

卷之七十二

藝文志

詩

七

兩山翠栢搖天風古臺突兀荒山中宏正殘碑斷復續左
氏書法文崆峒摩挲句讀歎古雅萬顆珍珠春自瀉种放
原非八道姿公和本是逃名者人問機穽苦相櫻石髓青
精足養生稱公援琴阮公哭虛負空巖長嘯聲

陽翟賈

國朝

吳玉麟

陽翟賈鈞奇貨不惜千金手翻播千金夜入殺函關孝惠
昭襄淚潛墮秦人命重禮法輕華陽奪嫡無敢爭坐鳥銜
雛丹鳳雛鳳雛零落啼無聲咸陽宮庭本無數邯鄲歌舞
舊有名子爲王姬爲后食客三千前上壽昔日殷勤奉異
人何圖富貴憂及身問君何功復何親一死不足償亡秦
君不見黃頭郎戟門外仲父未稱肉已敗猶幸秦無李園

在

河上戍民謠

國朝張愼爲陽武

我生不辰在河澨積石西下齧中土桃花濁浪吼天吳兩
岸不辨漲秋浦歲歲瓠子築西風壁馬空沉沙河雨破屋
能有幾家存雞犬不聞蛸在戶憶昔北折幹地軸翳兮勢
捲相庭蹙都宮銳意起金堤捷木括盡淇園竹丁丁斧響
災神叢慘淡郊原光藪藪陽木陰木若雲屯爰派堡夫注
色目抵足河干伴朝夕吾儕小人三十六蘆荻蕭蕭風起
夜月明水寒鷺與鷺官家徒有月廩錢不飽惇獨飽吏腹
苛文數數察存留日久烏有但柑梢妻孥出入無完裙且
完舊柳四萬束那堪經雨復經霜鼠穴鼯壤委道旁新尹
續河南通志卷之七十二藝文志詩九

舊尹自來去新舊此柳必存場一賠臂膚無人理再賠骨
肉更參商今日河水清且漪待塞宣房是何時上官或有
權宜策因革民勞丐那移如今喜怒關從事得請不令愚
氓知圍人具車甸具桔噉噉爾等忍毆之生長河洲魚蝦
民言之無文理則直建祠畏壘像易蝕鐫石路傍莓生塵
不盡歌謠輿人口清問下逮帝德頌

渡汜水

國朝許勉燉汜水知縣

朝來策馬汜水東水聲颯颯起悲風前逼虎牢插天立中
有一線羊腸通曾憶當年隋失鹿紛紛角逐於英雄函關
出兵興問罪東都束馬鳥困籠蠟書問道走河北盡驅精
銳櫻銛鋒一旅偏師先拒險兩軍隔水語從容須臾文皇

馳鐵騎左衝右拒褒鄂公捲旆疾擊繞陣後橫行如入無
人中回首可憐二十萬血濺流波徹底紅今日檻車俘建
德明日輿榾降世充嗟乃智勇真天授二孽齊收一戰功
塵灰累劫成千載剗削重關壁壘空吾生願不見兵革來
往周原禾黍豐

徽王故宮

國朝 劉光祺

鈞陽春風桃李陌桃花殷殷李花白花開花落杜鵑啼飛
入故宮啼血赤故宮昔日競繁華碧瓦朱甍帝子家一時
宮女顏如玉絕勝春來桃李花鴛鴦合住黃金殿行遊或
在鞦韆院日暮笙歌繞畫梁夜深宛轉播金鈿如許繁華
樂事多猶言傾國不如他非關粉黛無顏色見慣尋常奈
續河南通志 卷之七十二 藝文志 詩 三

若何誰家女郎年十五雲鬟霧鬢能歌舞盈盈新月畫眉
頭南陌羅敷奚足數君王道是洛川神奪置深宮第一人
本擬同心托連理不言嬌小怯橫陳辭恩涕淚君王怒恃
力驕矜渾不顧須臾薄命向重泉佳人難得天何故上書
告許銅龍門天子震怒臨前軒國法那肯貸親貴緹騎東
西紛逐奔詔書尺一甚迫急出宮恐怖入宮泣妃妾纍纍
相對殉百年魂斷嗟安及昔時帶礪侍宗盟轉瞬豪奢一
旦傾無復娉婷藏艷質幾曾簫管奏新聲可憐臺榭荆榛
地可憐全盛紅顏子白楊風起北邙塵自古王侯盡如此
我來憑吊有餘哀滿眼繁華安在哉燕城兩色悲邱隴梁
苑春深沒草萊不及陌頭桃李色年年開落無休息看花

一倍惜春工朝出城南暮城北歸來却到故宮傍杜鵑啼
處月蒼涼更逢清笛悠悠發不是此聲亦斷腸

丁健兒歌

國朝 吳振周

健兒遼人也各有材昔爲蒲帥部曲晉寇偪鄴戰於城西之橫水深入援其長獨戰無繼遂死之予往識其人聞其死甚烈感爲作歌

腥塵四合鼓聲死血溜刀紋滑似水鬼膽諸兒縮項逃獨
盤一騎當堅壘賊甲如山薙如草紛紛鏃下輸肝腦圓月
弓鳴走餓鴟南指條看西騎倒那堪矢盡絃亦絕馬蹶僵
尸刃多缺自將頸血染糝糊悍氣觸天天欲裂官家養士
二百年跛鼈癡蠅不可前爭得如君死鞍馬咄哉異革心
何堅

續河南通志

卷之七十二

藝文志

詩

三

賦得嵩山爲比隣

國朝 耿介

我生嵩山下荏苒六十春始而流離瓊尾之艱辛旣而宦
海風波之浮沉繼而疾病藥餌之侵尋邇來結廬嵩山麓
得與嵩山爲比隣朝夕相與情最真我去兮山黯澹我來
兮山精神二十四峯峯峯秀環列皆我之同人有時風氣
正氤氳有時谷口多閒雲有時清風響萬籟有時晚霞對
夕曛有時皓月映虛巖有時積雪戴層岑有樹兮巢白鶴
有水兮游素鱗客至今澄泉可煮布席兮綠莎成茵溪邊
可以談道石上可以垂綸丹崖碧澗幽壑深林不論早暮
不擇晴陰不拘寒暑不分主賓磅礴終日相對忘言而莫
逆於心其端方正直之槩特立不撓儼然示我以行道先

立身而長育羣彙萬物欣欣又隱然示我以造化生物之
仁我豈樂山而得山之性情兮相與或默或語或往或來
而或屈或伸抑優游養拙木石爲侶兮麋鹿爲羣自同于
聖世之逸民恐後來者嘆問津之無路兮聊以此詩持贈
君

漢栢行

國朝 焦欽寵

君不見天封觀裏有古栢森森鼎立嵩之宅仙蹕曾經漢
武封至今將軍留勝跡參天拔地老龍鱗枝如虬舞根如
石擎雲攫雨飽風霜滄海桑田翻朝夕上翔翩翩之元鶴
下埋礪礪之琥珀疑是神鬼之所呵護造化之所秘惜不
然雲臺麟閣安在哉獨餘將軍挺立而不回重爲告曰栢
續河南通志卷之七十二 藝文志 詩 三

兮栢兮爾負堅剛正直之奇才貞心勁節壯猷雄列胡不
乘時利用於廟廊之上而乃盤根錯節乎嵩邱長蒿萊使
人俯仰于古兮重徘徊

挽尙烈女

國朝 竇可權

百年之內兩烈女趙女旣沒尙女起兄曰尙那才生長萬
北里幼字唐七郎未嫁郎已死郎死阿母存煢煢垂白矣
衰經入唐門晨昏多艱辛努力奉姑嫜節義動里隣七有
嫡母兄貪婪莫與倫謀欲吞七產骨月起荆榛誣語控諸
官官謂女節醇苞苴行不已始信錢通神酷吏拷那才勒
令同女還那才見阿妹撫膺淚如弦本欲全汝節何意官
得錢吾且入公署少間同我還逼迫有官長行止那才專

阿妹聞兄語氣結不能言腸中如膏煎吞聲復唯唯兄且
加盤飧從此不相累少間當同還紿兄出唐門仰天涕泗
漣姑年如朝露中道相棄捐著我縞素衣是我來時穿佩
我白玉環用以表貞堅蓋棺論乃定魂去屍長眠舉手投
繯死瞑目歸黃泉日月忽躡黠悲風動九乾童稚皆爲裂
行人晉道邊邇才聞妹死慟哭訟綿綿唐氏乃股慄奠金
以自全十年訟不解家產已蕩然本欲吞七產反致無遺
田本欲誣尙女反致身後愆或言女含恨厲鬼宜相纏賢
媛豈厲鬼天地自無偏河內彈丸地兩烈相後先趙女會
有何文定迄今世宗之什皎如霽日之經天尙女蓋棺六
十載名幾湮沒而不傳比部蕭子修郡乘椽筆淋漓書其
續河南通志卷之七十二藝文志詩

三

賢嗚呼安得德位有如文定者致使尙女姓氏達帝前

打虎兒

國朝陳鳴皋

宋四兒年十歲隨父業樵一日奪其父於虎口以歸或信或疑太守於慢爲虎召而試之則駭而趨走毛子大可曰其時惟知有父故不知爲虎也太守旌其孝余旣領毛子說且將以告爲人臣子而猝有君父之難者目無虎斯堂有父矣不然駭而趨走何有於真僞之間哉聞我坦途又其餘爾

深山猛虎搖白額月黑磨牙風烈烈潛伏莽蒼意貪養草
色荒荒辨不得老樵自昔慣採山不問山白山路黑夜半
呼兒起着衣兒年十歲眠方熟破被擁頭屢欠伸腰斧俟

久怒聲急兒走呼爹摩睡眼追逐空林踏落葉曉霜凜栗

山骨冷初日拂拂石稜赤蒼茫纔經淺草叢龍鍾已逼猛
虎腋猛虎得食慰虎悵攫入尊踞惜氣力馴馴變色山鬼

號顛盼欲紅怒目側見惟見父不見虎挺掣飛電走霹靂
奮迅一擊天地寒努力挺折虎流血竄林木兮死邱垤父
幸生還淚幾拭秦鹿魄失博浪椎當年空使副車折河水
潛行闖老竈一驂何惜水中沒君不見豺狼處處坐荆棘
當路噬齧人骨白安得壯士一如打虎兒掃除畏途海甸
帖嗚呼掃除畏途海甸帖

劉將軍歌

國朝 錢廷文 淮寧

將軍二十卽從軍南國山川多陣雲短衣匹馬行千里少
年慷慨輕生死五嶺風高殺氣迴三江日落兵聲起甲冑
沾汗生蟻蝨肌膚流血成瘡痂 天威凌厲下滇南將軍
躍馬碧雞關邊庭瘴霧開六詔元戎旌麾震百蠻手援枯
續河南通志 卷之七十二 藝文志 詩 三

明西華令劉公伯驂祠墓歌

國朝 鄭 廉

君不見劉侯忠節貫白日浩氣直與嵩華敵八紘旣坼鼉
柱傾嗚呼獨煉補天石崇禎十四五年封豕長蛇繞澗
瀕獨眼賊子最桀黠譬如巨鯨戲浪浪蹴天中原諸郡縣
囚首相駢連朱仙健兒化爲魚然後大梁宮殿冷秋烟當
時何人擁節旄公方崑邑試牛刀黑雲壓城鼓聲死仰面

呼天天何高按劍太息鬚盡張父老左右牽衣裳公謂城
破孤臣耻冠帶從容辭天子此身那肯辱賊鋒七尺騰躍
滄波裏豈効溝瀆小丈夫孤臣自誓心如水至今二十七
年中天陰月黑起悲風箕人負土成高墳墳邊翠竹蔭長
松松如我公鴻名之壽世竹如我公勁節之摩空誰知令
子更軼羣仙源百里頌神君鳳雛不改丹山色驥子依然
五花文歲時省墓赴西華杖履追隨映朱霞禮成天地忽
豔驟觀者如堵共咨嗟箕人曰公吾公鹿人亦曰吾太公
我公之厚澤深仁併懾乎兩邑顧無數椽之室半畝之宮
藏俎豆而繪聲容相將城外選平陸箕人經始鹿人築何
所取材問奚斯北山之石南山木斧斤削斲幾何時忽見
續河南通志卷之七十二藝文志詩
五

丹青照山谷月臨戶牖響踈鐘雲起几筵搖畫燭千秋萬

歲此蒸嘗神來還救蒼生哭

青要山行

國朝 呂履恒

黃河南岸臨山巔青要名山山經傳亂石驚濤一綫路羣
峯東走如飛仙是維上帝之都會胡爲乎陰陽膠轕爭天
權亭午不能見日月魑魅晝行無人煙其下蒙茸裹人足
其上豺虎摩人肩我欲杖策闢此道手無斧柯心茫然巖
前松栢鬱不發奇峯麗石皆淪沒不見黃花赤實仙但見
荒煙古戍天寥濶南村有更橫索錢手弓步畝量石田僕
夫恐懼趨馬還波聲漸小鳴濕溪鳴呼何時比屋安眠無
吏過使我登山臨水開心顏

行經杞縣弔劉文烈公

國朝呂履恒

杞縣城邊日將夕天寒野曠悲行役此邦文獻昔有人劉
公文烈古尚稷平生浩氣堪補天一代文章久華國有明
末葉多氛埃士氣奄奄若死灰閭黨薰天盛氣燄玩弄薦
紳如嬰孩端帝龍飛起信邸城狐社鼠皆摧頽深宮夢寐
畏良弼臨軒發策親畫裁忽有光芒生萬丈至尊執卷龍
顏開賜臣理順居第一宮衣燦爛雲錦堆是日重瞳喜無
寐笑謂英皇得異才漢家歷數邁陽九鐵甕金城誰與守
龍去鼎湖不可攀玉埋湘水空成阜詞臣無力挽天河身
殉重泉隨我后臣死君兮妻死夫事傳青史美何如欲尋
遺塚天昏黑擊柝城頭片月孤

續河南通志

卷之七十二

藝文志 詩

五

吳公堤

國朝陳大琰

沙流透迤清且長上溯魯山下淮陽中間滙合褚水滄更
合汴流勢益張歲在甲辰苦淋浪黃波怒號決宣房南來
澎湃擬懷襄濁浪滔天勢莫當碣磳不辨河與潢南堤蟻
穴幾汪洋欲開不開民倉惶大聲疾呼舉國狂賴有邑侯
吳錢塘仁聞瞿然驚且傷單騎疾馳危堤傍指撿堵築披
星霜經旬勞瘁心徬徨歸然獨峙如山岡百川東之障一
方登民衽席固金湯羣黎歡呼誦鑄鑄爲勒貞珉鉅道旁
堤名吳公誌不忘嗟乎軼卓魯駕龔黃公等召伯堤甘棠
後先千古相頌頌

鳳凰臺

在商水縣黃鵠守
賴川時鳳集於此

國朝崔應階

麒麟遊苑囿鳳凰巢阿閣聖王出御世飛遊同燕雀在昔
黃霸守潁川政尚寬和教養先孝弟力田日以衆桑麻滿
野蒲鞭縣治行稱爲天下最天子下詔褒其賢特賜車蓋
高一丈車緹油屏泥於前是時漢主好祥瑞鳳凰神爵紛
聯翩所在郡國皆數集潁川尤多寧偶然仁厚之名何怪
哉胡爲鷓鴣雀敵舍來京兆張郎畫眉罷爰藉封事彈鹽梅
一肯不以掩大德次公長者何嫌猜竊恐郡國所稱鳳凰
並神爵未必不與鷓鴣雀同胎胎鳳兮鳳兮聽我語我無治
績如公才我有竹實爲爾食我有高梧爲爾栽我能作歌
稱爾德我能吹簫招爾回鳳兮鳳兮胡不來使我含愁日
暮登空臺

續河南通志

卷之七十二

藝文志

詩

七

火燒店弔故明太子少保總督三邊忠壯傅公宗龍
國朝 崔應階

有明之末國運否中原鼎沸妖氛起女妨夜織男妨耕旱

蝗兵變無窮已老填溝壑壯者逃四海無人憐赤子是時

文官竊恐多愛錢武官未必不惜死養成流寇不知除縱

令弄兵潢池裏殺虜無厭四野虛雞犬絕聲城郭圯伊誰

遺爾君父憂二三孤臣那堪理傅公總制東出關受命專

辨賊闖李軍聲赫赫自西來誓須朝食先滅此是役從事

者爲誰人龍國奇文岳耳師次新蔡與保督湯文岳兵會
賀人龍李國奇將秦兵虎大威

將保 結橋欲趨水上軍五日畢渡來項城黠闖覘知兩軍

至渡水伴驅老弱兵人龍暨子失奇筭遂貪香餌行兼程

我馬旣疲人力乏逸勞不敵止爲營壘壘未成伏輒起四面惟聞風鶴聲一擊不勝兩軍潰諸將恇怯皆逃生人龍等俱

奔沈傳公收兵火燒店賊尾其後來戰爭圍以三匝殊死

鬪環而攻之勢縱橫我軍奮勇鳴大噓賊衆一震魂皆驚

保兵宵潰文岳遁文岳馳奔項城公當賊壘難孤撐矢窮糧絕無

生色日猶殺賊充兵食瘡痍檢剩六千人振臂一呼皆勇

力殺馬烹牛盡犒軍破釜沉舟在此刻夜半勒兵趨敵營

飲刃迎鋒呼殺賊聲撼山岳陣雲昏氣衝霄漢月爲黑積

屍流血滿荒原衆寡旣殊臣力竭突圍欲去保孤城豺狼

塞路難飛越賊子得志獲將軍罵賊聲雄怒衝髮忽報前

軍落大星忠魂竟與星同沒至今功烈著旂常浩氣千秋

續河南通志卷之七十二藝文志詩 天

凌日月

漢栢

國朝 桑調元

元氣盤鬱嵩之陽有栢離立參天長問年直在彭册上羸

劉何足論興亡一株鐵幹蟠蒼昊蒼皮鱗皴白骨老東頭

飛柯百尺枯巨斧斫斷虬龍爪佳哉生氣何婆婆枝條翦

蔚形嵯峨半人喜得習鑿齒全人凝視哀駘它其一磅礮

更奇絕周遭七圍蘚皮裂輪囷空腹雷火燒風雨濤奔穿

洞穴是中廓落可容人盤根不動何嶙峋空明豁達透日

月正直昂藏驚鬼神古來英君稱漢武封禪會經過中土

猥加封號大將軍千載猶錄羣芳譜通天臺上祈仙靈金

盤承露凌高旻劉郎亦是秋風客茂陵松栢摧爲薪巍然

此樹形模久螭篆龍文互轉紐仙宮梵宮幾刦灰人生安
得如汝壽汝邀天幸更堪論三株僅有兩株存君不見書
院空階餘石壘當時共拂蒼烟痕

放歌行登峻極峯作

國朝 桑調元

崑崙祖脈青龍從兩戒巖粵爭豪雄河山環拱此隍宅崧
高拔起天當中灑氣呵噓對噴薄離合太少分西東華蓋
童童赤霄上旂旒瓔珞垂高空霞氛輝赫照帝所瀛寰萬
嶺齊朝宗神房白晝起烟霧嵌竇騰湧陽光紅岱衡恒華
儼列笏天門誅蕩開鴻龍石樓千尋駕紫翠丹梯逕絕風
雲通菖蒲九節雜瑤草續紛石上香茸茸神仙恍惚善狡
猶風袂難把浮邱公漢武登封集靈瑞茂陵烟樹蕘蒿蓬
續河南通志

卷之七十二

藝文志

詩

元

金繩玉檢復自誑若呼萬歲驚愚蒙

今皇睿識高萬古陋彼封禪誇神功稽古典禮時巡狩燔
柴秩祀臨中嵩乘凌周道至峻極 飛龍直上第一峯乾
坤磅礴發 天藻穹碑鐫鑿厓磨礪野人夙願遍五嶽發
軔此地標遊蹤青鞋布襪便登陟半空巒磴盤孤筇二十
四峯羅鳥底咫尺少室雲嵐重放眼層空周八表齊州極
覽烟濛濛飛光倒影射絕壁日車弭節踰高春芙蓉萬朶
金明滅一披奇觀排心胸默禱神靈毓申甫永贊鴻號熙
無窮烟庭樾館天結構草堂作計栖盧鴻

銅爵臺

國朝 商 盤

刑餘遺孽曹吉利炎劉火燼窺神器南枝不許夜烏棲大

耳紫髯分鼎勢五官含睇迂靈芸八斗多才賦洛神老子
於茲興不淺銅爵臺藏佳麗人昵昵窻前兒女語賈履分
香淚如雨羣婢無心望墓田土春僊愈呈歌舞漳水無情
日夜流西園賓客一時休三馬同槽移魏社蕭蕭疑塚成
荒邱

過大梁書李光壁守汴日記後

國朝嚴遂成

國家無兵又無餉空腹空拳與賊抗雲梯栢臺高於城城
上懸樓屹相向葯烟一綫紅光開地皮倒陷轟雄雷從空
磨盤星迸落血肉狼藉飛灰埃督師丁睿茫茫喪家狗畏
賊如虎背而走按臣嚴雲臨河不敢渡委棄孤城要誰守

城中食盡人食人牛皮皮襖遭割烹鹽池忽生纓絡草拌
續河南通志

卷之七十二

藝文志

詩

三

八魚米葱油并馬矢尾追手俯拾糞堆中物靡不爭鳩形
鵠貌滿路側白晝陰陰火光黑抵死終無一人降神號鬼
哭呼殺賊賊一再至鋒甚凶刻期肉薄乘我幄三至意態
反閒暇雌伏處女啞以龔黃河天上鞭魚龍鬻堤北八崩
而東城如仰盂水羹沸萬馬蹴踏鳴萬鐘良嶽差高沒至
頂周王何罪瀦其宮人盡擠之窟穴底一切葬具無所庸
賊前閉氣規地脉順勢導與黃河通黃河一通不可塞賊
亦奔逃喪魂魄彫劫百年今漸蘇城之四隅草其宅鋤鋤
掘深二三尺屋脊宛然瓦龜坼下埋金寶未銷泐川媚山
輝一富國

辛酉暮春遊風穴寺

國朝
茅逸

客裏不知知已誰青山與我原素知驢背馬頭一相見助
我感慨天涯詩我來臨汝訪名勝耳聞風穴幽且奇卧遊
想像歷四月不得一往惟嗟咨今朝晴和天色好春睡未
醒天已曉枝頭百舌呼一聲此際不遊客漸老况逢春事
又闌珊城外落花風欲掃起拉般丈與張兄天假人閒去
宜早籃輿紅碾馬蹄香後先笑集垂楊道麥隴過盡秋浪
青翹首白雲山縹緲不識古寺在何所谷口無人遍春草
夾道冥冥老栢攢隨崖屈曲蛟龍蟠或如我輩士失意鬚
眉不展骨相寒胡能若彼聳立者拔地作勢叅雲端峯迴
路轉見玉帶小橋匯水流潺湲舍車繫馬迂迴進午鐘隱
隱來禪關谷裡人家盡穴處如見太古之遺頑彼嫌喚客
續河南通志

卷之七十二 藝文志

詩

三

烏饒舌我怪當路石懶殘彼我嫌怪兩無爲動靜各由天
所安少焉不覺已到寺衲子迂人山犬吠爲問客從何處
來笑云我本還丹使昨者一闕沁園春隸書有約奚童寄
同輩無非南國英俱是人中之騏驥久聞泉名大慈佳不
減惠山之第二更欲來參玉版師祇緣久別家園味又聞
有穴當暑涼深不可測包噫氣山僧燒筍飯脫粟飯後竹
爐湯報沸飲之果與常水殊一洗塵中污腸胃茗罷呼童
導客行錦屏翠嵐各指示修篁雖未及蘭亭亦覺倚倚頗
有致攀崖引葛探兩穴古硯凹深是誰誌幾行細字減難
辨苔長青錢土花翠硯旁卽是小鳳穴以石試之音自異
大穴遙對不得遊我欲御之冷冷至隔嶺忽聞絃索鳴珙

瑟和瑟夾秦箏因聲逐響覓其跡喜見懸溜如珠傾更向
觀風亭上望汝墳突兀來孤城崕峒似拳箕山小千家烟
樹羅前楹嵩山咫尺不可接洗耳若帶松風清病夫苦無
濟勝具眼前山水何由經徒嗟古人去不返希夷辨叔因
牽情洞合陰火一抔冷空將文句留虛名覽勝未已起悲
悼懷古每每令心驚雲門故國負奇蹟千巖萬壑意中青
山陰道上歸不得華髮種種天涯生山頭斜陽又西墮僕
夫催駕不可停奚從學取長房術縮盡江南江北程

經平臺故址

國朝湯然

一聲牧笛風中來勸君莫上梁王臺鄒陽幾向獄中死未
必梁王解愛才野田漠漠寒鴉聚衰草連天辨何處漫言
續河南通志

卷之七十二藝文志

詩

五

授簡續文園古雪蒼茫落高樹

昇仙臺歌用少陵元都壇韻

國朝查岐昌

蒼茫不見陰靈峯長堤橫亘稱猶龍當年騎牛出函谷遙
瞻紫氣於誰屋昇仙之蹟遺古壇荒郊無人清晝寒漁舟
遠岸渚蘆亂翠栢夾路雲濤翻九丹八石試談往螭缺碑
殘藤蘚長曾窺道德五千言谷神養拙神飛爽

大梁淫雨吟

國朝馬士琪祥符

濕雲壓風風無力白日茫茫光閉塞老龍怒吸江水渾三
春霖霖足三月蛟龍得志走高堤濤翻浪湧墜天低大河
南北皆澤國郊原一望沒田畦梁園改革稱貧蹙比戶曾
無三斗穀春麥秋禾委巨波并烟處處聞啼哭哭之淚盡

繼以血有司敲扑還摧裂憂國惟知督賦租餓孳誰慮靡
遺子吁嗟吁嗟直可哀驅車無計鬻嬰孩一女千錢男五
百逢人便售敢求益兒女悲號不肯行阿母含愁伴加責
兒去母孤悲不止強持兒價糶珠米無何米盡更思兒將
身潛繫綠楊裏早知兒失母難存悔不當時一處死我聞
此語心痛酸監門思得鄭公官救民重繪當年像多恐
君王不忍看 君王仁聖直無極蠲賦恒逾千萬億減膳
徹樂憂思殷蓬萊殿上無顏色安得彼蒼施高厚電雷倏
易爲星斗陰陽和變兩無乖永令斯民歌大有

周元福

國朝陳 浦

元福商城王御史家僕也崇禎末季流寇屠戮邑

續河南通志

卷之七十二

藝文志

詩

三

中豪家子女時御史已歿一子一媳俱罵賊死福
以已子易御史乳孫同妻負奔荆楚得免後歸田
產盡失夫婦力作撫孤兒刈青衿成家室二十餘
年如一日而福僅一子死於賊竟至無後王氏德
之請於官祀福夫婦於家祠邑令金陵黎東昂爲
作傳事詳載邑志宣州梅君陸舫爲作詩囑余同

賦

秋風吹我過新鄴邂逅梅君話風雅手探案上一篇詩讀
之愴然淚橫灑由來節義感人深節義由人不擇人斯人
斯事君知否嬰杵曾教共一身嬰杵者誰周元福流落役
充王氏僕王公御史字恬夫世爲商邑衣冠族崇禎末季

動烟烽梁園兵火徹宵紅黃河兩岸無雞犬賊之巨魁張
獻忠到處殺人屍盈野屍作馬槽血飲馬商邑堅持子弟

兵城中豪家子弟
出金募人拒賊

斗大山城攻不下却乘賊隙更用奇擒

其愛妾磔妾屍賊衆狂呼併死力夜半孤城遂不支

乘間得獻

賊愛妾磔之賊怒
併力環攻城遂陷

挾仇戮盡豪家子御史長君罵賊死閨

人亦是女中豪三寸鸞刀頸血紫一綫惟留七歲孤倉皇

之際託義奴義奴夫婦負之走更有親生哺乳雛前途遇

賊行賊令向奴索兒覺白刃義奴抵死護孤兒刀傷左臂

力已罄情急智生大義存誣指乳雛御史孫賊殺乳雛血

刃去吞聲朝夜向南奔南奔歷盡流離苦賣餅資生寄荆

楚亂世誰憐避亂人草間相泣淚如雨叢生荆棘舊門墻

續河南通志

卷之七十二

藝文志 詩

三

狼狽歸來益斷腸頽梁那復春棲燕廢甃偏多夜叫蟹忍

就荒涼葦蓬蕈無主田園多散失百計經營二十年撫孤

讀書成家室老奴力憊卸重肩老奴含笑入重泉可憐義

士竟無後山根雙塚冷荒烟僕報主人義盡矣主人報僕

恩茲始大令黎公爲作銘祔配家祠享禋祀嗚呼義士之

義世無多義士之名自不磨當時竟有難言事聞風不愧

奈伊何

謂黃靖南標下
人與元福同鄉

